

**B O S N A I H E R C E G O V I N A**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Broj: 01-34-2744

Bihać, 07.05.2024. godine

Na osnovu člana 12. stav (1) u vezi sa članom 13. Odluke o dodjeli stipendija u akademskoj 2023./2024. godini („Službeni glasnik Grada Bihaća“ broj 3/24) gradonačelnik Grada Bihaća, raspisuje

**K O N K U R S**

za dodjelu stipendija u akademskoj 2023/2024. godini

1. Broj korisnika i mjesečni iznos stipendije

Iz sredstava Budžeta Grada Bihaća za 2024. godinu dodijelit će se 50 stipendija redovnim studentima dodiplomskog/ I ciklusa/ integrisanog studija javnih visokoškolskih ustanova na području Bosne i Hercegovine.

Stipendije će se dodijeliti za deficitarna i ostala zvanja i to:

- a) za deficitarna zvanja za prvu godinu studija 10 stipendija
- b) za deficitarna zvanja za drugu i više godine studija 20 stipendija
- c) za ostala zvanja za prvu godinu studija 10 stipendija
- d) za ostala zvanja za drugu i više godine studija 10 stipendija

Deficitarnim zvanjima u skladu sa Zaključkom broj 01-34-2394 od 19.04.2024. smatraju se:

- Doktor medicine
- Logoped
- Defektolog
- Inženjer hemije
- Inženjer geodezije
- Profesor biologije
- Nastavnik tehničke kulture
- Profesor hemije
- Profesor fizike

- Profesor informatike
- Profesor muzičke grupe predmeta
- Profesor likovnih predmeta.

Stipendije se dodjeljuju u mjesečnom iznosu od 200,00 KM (dvije stotine konvertibilnih maraka) za deset mjeseci tekuće akademske godine.

## 2. Uslovi za sticanje prava na stipendiju

Pravo na dodjelu stipendije imaju redovni studenti dodiplomskog/ I ciklusa/ integrisanog studija koji ispunjavaju sljedeće opće uslove:

- a) da su državljani Bosne i Hercegovine,
- b) da imaju prijavljeno mjesto prebivališta na području Grada Bihaća u vremenskom trajanju od 6 (šest) mjeseci prije podnošenja prijave za dodjelu stipendije,
- c) da su studenti koji studiraju na javnim visokoškolskim ustanovama na području BiH
- d) da su u tekućoj akademskoj godini prvi put upisali određenu godinu studija
- e) da nisu u statusu apsolventa,
- f) da nisu korisnici stipendije, kredita ili subvencija za troškove školovanja, smještaja ili ishrane iz Budžeta USK-a ili drugog davaoca,
- g) da nisu zaposleni na određeno ili neodređeno vrijeme,
- h) da nisu stariji od 26 godina.

Pravo na stipendiju mogu ostvariti studenti na svim godinama studija.

## 3. Način prijave i potrebna dokumentacija

Prijava na Konkurs za dodjelu stipendije podnosi se u zatvorenoj koverti putem pošte na adresu: Grad Bihać, ul. Bosanska br. 4 sa naznakom: "Prijava na konkurs za dodjelu stipendija - NE OTVARAJ"

Prijava se može predati i neposredno u zgradi Gradske uprave – Centar za pružanje usluga građanima (šalter sala), svakim radnim danom od 07:00 do 15:30 sati.

Uz prijavu na Konkurs koja mora biti potpisana, obavezno se prilažu sljedeće isprave:

- a) uvjerenje o državljanstvu BiH,
- b) uvjerenje o redovnom upisu na fakultet za tekuću akademsku godinu, odnosno da su prvi put upisali akademsku godinu za koju se dodjeljuje stipendija koje ne smije biti starije od 3 mjeseca,

- c) ovjerenu kopiju svjedočanstava srednje škole za sva četiri razreda za studente prve godine studija,
- d) potvrdu fakulteta o ostvarenom prosjeku ocjena prethodnih godina studija za studente starijih godina studija,
- e) PBA-1 obrazac MUP USK-a Bihać, odnosno potvrdu o prebivalištu izdanu poslije datuma objave konkursa,
- f) ovjerena lična izjava data pod punom materijalnom i krivičnom odgovornošću da ne prima stipendiju, kredit, da nije korisnik subvencije za troškove smještaja ili ishrane za tekuću akademsku godinu od drugog davaoca,
- g) ovjerena lična izjava data pod punom materijalnom i krivičnom odgovornošću da nije zaposlen na određeno ili neodređeno vrijeme.

Uz prijavu na konkurs kandidati mogu priložiti i posebne dokaze o socijalno-materijalnom stanju:

- a) dokaz o posebnim porodičnim prilikama (bez jednog ili oba roditelja),
- b) dokaz o invalidnosti studenta ili roditelja 60 % i više,
- c) dokaz o primanju socijalne pomoći,
- d) dokaz o pripadnosti boračkoj populaciji,
- e) kućnu listu.

Potrebna dokumentacija se predaje u originalu ili ovjerenoj fotokopiji. U suprotnom će se smatrati da prijava nije potpuna i ista se bez razmatranja odbacuje.

Javni konkurs će biti objavljen u dnevnom listu Dnevni avaz, na oglasnoj ploči i na web stranici Grada Bihaća [www.bihac.org](http://www.bihac.org).

Obrasci prijave i izjava dostupni su na web stranici [www.bihac.org](http://www.bihac.org).

Konkurs ostaje otvoren 15 dana od dana objavljivanja.

Nepotpune i neblagovremene prijave neće se uzeti u razmatranje.

Prijedlog liste za dodjelu stipendija i rok za prigovor će biti objavljeni na oglasnoj ploči Grada Bihaća.

GRADONAČELNIK  
Elvedin Sedić